

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Antikorupcioni tim Vlade Federacije Bosne i Hercegovine

**IZVJEŠTAJ O RADU
ANTIKORUPCIONOG TIMA VLADE FEDERACIJE
BOSNE I HERCEGOVINE
ZA 2024. GODINU**

Sarajevo, mart 2025. godine

UVOD

Članom 23. Zakona o Agenciji za prevenciju korupcije i koordinaciju borbe protiv korupcije¹ propisana je „Obaveza određivanja tijela za sprječavanje korupcije“ gdje se u stavu (1) navodi „Entiteti, kantoni i Brčko Distrikt Bosne i Hercegovine mogu odrediti novu ili postojeću upravnu strukturu koja će biti zadužena za sprječavanje korupcije, izradu i provođenje strategije za borbu protiv korupcije i akcionih planova u tom entitetu ili Brčko Distriktu Bosne i Hercegovine“.

Vlada Federacije Bosne i Hercegovine je donijela Rješenje o formiranju Antikorupcionog tima Vlade Federacije Bosne i Hercegovine („Službene novine Federacije BiH“, br. 28/16, 18/17, 27/18, 41/20, 5/21, 27/21, 37/21, 57/22 i 61/24)

Antikorupcioni tim fokus djelovanja u 2024. godini usmjerio je na efikasno obavljanje zadataka, definisanih u Rješenju o formiranju Antikorupcionog tima, a to je:

- Implementacija Akcionog plana za period od 2021. - do donošenja nove Strategije za borbu protiv korupcije u Federaciji Bosne i Hercegovine. Navedeno uključuje i, u skladu sa nadležnostima, sve aktivnosti do usvajanja nove Strategije za borbu protiv korupcije i pratećeg Akcionog plana za provedbu Strategije za borbu protiv korupcije.
- Učestvovanje u svim aktivnostima koje se odnose na saradnju s Agencijom za prevenciju korupcije i koordinaciju borbe protiv korupcije.

U skladu sa definiranim zadacima iz Rješenja o dopuni Rješenja, Antikorupcinski tim izvršava svoje nadležnosti.

¹ Zakon o Agenciji za prevenciju korupcije i koordinaciju borbe protiv korupcije („Službeni glasnik BiH“ br. 103/09 i 58/13)

Aktivnosti Antikorupcionog tima Vlade Federacije BiH tokom 2024. godine

Antikorupcioni tim je u periodu od 01.01.2024. godine do 31.12.2024. godine održao 12 sjednica, uz napomenu da je od formiranja Tima do kraja izvještajnog perioda održano ukupno 97. sjednica.

Rad Antikorupcionog tima, u izvještajnom periodu odvijao se aktivno i transparentno.

Na sjednicama Antikorupcionog tima tokom 2024. godine, razmatrane su 71 tačke dnevnog reda.

Fokus rada Antikrupcionog tima u izvještajnom periodu, bile su aktivnosti na uspostavi pretpostavki za izradu nove strategije za borbu protiv korupcije, praćenje provedbe aktivnosti iz planova integriteta kao preventivnog antikorupcijskog alata kod federalnih institucija, praćenje provođenja Akcionog plana Federacije BiH za borbu protiv korupcije za period od 2021.- do donošenja nove Strategije za borbu protiv korupcije u Federaciji Bosne i Hercegovine.

Antikorupcioni tim Vlade Federacije Bosne i Hercegovine je održavao i saradnju sa medijima te vršio objave na portalu Vlade FBiH cilju upoznavanja šire javnosti sa nadležnostima Tima i sa transparentnosti u radu Tima. Istovremeno, aktivno su se poduzimale mjere u cilju transparentnosti rada Antikorupcionog tima Vlade Federacije Bosne i Hercegovine uključujući medije kao izvor distribuisanja poduzetih radnji Tima.

Održavanje antikoruptivnih mreža i ažuriranje fokusnih tačaka

Jedna od osnovnih aktivnosti koju je provodio Antikorupcioni tim od svog formiranja bila je uspostava antikoruptivne mreže i fokusnih tačaka u federalnim institucijama.

Na osnovu utvrđenog Strateškog cilja 1.1. - Unaprijeđenje cjelokupnog sistema integriteta, odgovornosti i transparentnosti u radu javnog sektora i strateškog programa 1.1.5. - Unaprijeđenje edukacije u federalnim institucijama po pitanju borbe protiv korupcije, odredbama tačke 1.1.1.1. Akcionog plana planirana je antikoruptivna aktivnost na uspostavi fokusnih tačaka u svim federalnim institucijama (kontakt osobe).

Uspostavljanje tzv "antikoruptivne mreže" unutar federalnih javnih institucija je vrlo važna pretpostavka za nesmetano dvostrano komuniciranje Antikorupcionog tima sa federalnim javnim institucijama i efikasno i efektivno provođenje antikoruptivnih aktivnosti.

Planovi integriteta

U skladu sa sadržajem Stateškog cilja 1.1. Unaprijeđenje cjelokupnog sistema integriteta, odgovornosti i transparentnosti u radu javnog sektora i strateškog programa 1.1.1. Unaprijeđenje pravnog i strateškog okvira za suprostavljanje korupciji i povećanje javnosti rada javnog sektora u Federaciji Bosne i Hercegovine, sadržajem tačke 1.1.1.1. Akcionog plana planirana je aktivnost na analiziranju i ažuriranju planova integriteta.

Radi realizacije planirane antikoruptivne aktivnosti Antikorupcioni tim je u prethodnom periodu na prikladan način sve federalne organe, tijela, institucije i pravna lica upoznao sa njihovim obavezama vezano za izradu plana djelovanja protiv korupcije i izrade Plana integriteta.

„Plan integriteta“ je interni antikorupcijski dokument organa, institucije, uprave, agencije ili tijela koji treba da sadrži skup mjera kojima se identificiraju, sprječavaju i otklanjaju mogućnosti za nastanak i razvoj različitih oblika koruptivnog ponašanja, a koji može nastati kao rezultat „procjene podložnosti određenih radnih mjesta za nastanak i razvoj korupcije i drugih oblika pristranog postupanja“. Ova samoprocjena izloženosti državnih i drugih službenika različitim rizicima poduzima se u cilju očuvanja i unaprijeđenja integriteta. Svrha Plana integriteta je uspostavljanje mehanizma koji će obezbijediti efikasno i efektivno funkcionisanje ministarstava, uprava, agencija i tijela kroz jačanje odgovornosti, pojednostavljenje procedura, povećanje transparentnosti kod donošenja odluka, povećanje otpora radnog mjesta u odnosu na koruptivne pojave, kontrolisanje diskrecionih ovlaštenja, poštivanje etičkih vrijednosti, eliminisanje neefikasne prakse i neprimjenjive regulative i uvođenje efikasnog sistema nadzora i kontrole rada i ponašanje službenika.

U okviru postupka izrade i autorizacije Planova integriteta u svim federalnim javnim institucijama smo animirali antikoruptivne kapacitete, temeljem kojih su sačinjeni interni antikorupcijski dokumenti federalnih organa, institucija, uprava, agencija i tijela koji sadrže skup mjera kojima se preventivno identificiraju, sprječavaju i otklanjaju mogućnosti za nastanak i razvoj različitih oblika koruptivnog ponašanja.

Ovim internim aktima stvorili smo također pretpostavke za efikasno odvracanje i preduprjeđenje koruptivnog ponašanja kao i mehanizme da se preventivno identificiraju, sprječavaju i otklanjaju mogućnosti za nastanak i razvoj različitih oblika koruptivnog ponašanja u istim.

Planove integriteta rade na osnovu Priručnika za izradu i provođenje plana integriteta u institucijama u BiH koji je kreirala u maju 2018. godine Agencija za prevenciju korupcije i koordinaciju borbe protiv korupcije.

Kreiranjem i usvajanje Priručnika prestale su da važe Smjernice i Metodologija za izradu Planova integriteta koje je sačinila Agencija za prevenciju korupcije i koordinaciju borbe protiv korupcije, a na osnovu kojih su do tada izrađivani planovi integriteta. Podsjećamo, da je u junu 2018. godine sačinjen Priručnik za suzbijanje korupcije i kreiranje planova integriteta u javnim preduzećima Federacije BiH, koji je izradila Transparency international BiH uz podršku Ambasade kraljevine Holandije.

Kako bi Antikorupcioni tim svoje zadatke izvršavao sistemski poduzete su i aktivnosti na izradi programa rada Antikorupcijskog tima za 2024. godinu, sa fokusom na uspostavljanje pretpostavki za efikasno izvršavanje predviđenih zadataka.

Imajući u vidu da je u junu 2024. godini Vijeće ministara BiH usvojilo Strategiju za borbu protiv korupcije Bosne i Hercegovine za period 2024-2028. godine i prateći Akcioni plan koji je izradila i poslala na usvajanje Agencija za prevenciju korupcije i koordinaciju borbe protiv korupcije (APIK), a da je članom 22. Zakona o Agenciji za prevenciju korupcije i koordinaciju borbe protiv korupcije propisano je da će „Entiteti, kantoni i Brčko Distrikt Bosne i Hercegovine usvojiti i razviti strategiju za borbu protiv korupcije i akcioni plan u skladu s opšim principima utvrđenim u državnoj Strategiji za borbu protiv korupcije“.

Slijedom gore navedenog Antikorupcioni tim Vlade Federacije Bosne i Hercegovine je 02.12.2024. godine, uputio Vladi Federacije BiH Inicijativa za izradu Strategije borbe protiv korupcije Federacije BiH 2024.- 2028. i Akcionog plana 2024.-2028. sa Prijedlogom rješenja o formiranju Koordinacionog tima za koordinaciju aktivnosti u vezi sa pripremom Prijedloga strategije za borbu protiv korupcije 2024. – 2028. i Akcionog plana za provođenje Strategije za borbu protiv korupcije 2024. – 2028. i Prijedlogom rješenja o formiranju Radne grupe za pripremu Prijedloga strategije za borbu protiv korupcije 2024. – 2028. i Akcionog plana za provođenje Strategije za borbu protiv korupcije 2024. – 2028.

Antikorupcioni tim Vlade Federacije Bosne i Hercegovine je u 2024. godini zaprimio veliki broj anonimnih prijava kao koje su proslijeđene nadležnim istražnim institucijama na postupanje. Aktivno se radilo na uspostavljanju mehanizma komunikacije sa kantonalnim uredima za borbu protiv korupcije i sa federalnim i kantonalnim tužilaštvom

Kod potencijalnih donatora Antikorupcioni tim je našao podršku za realizaciju projekata koji će osigurati izradu stručnih analiza uzroka, pojava oblika i štetnih posljedica korupcije po građane, na osnovu kojih će se izraditi ciljne kampanje djelovanja.

Antikorupcioni tim je aktivno sudjelovao u konsultacijama sa koordinatorima antikorupcijskih aktivnosti kroz održavanje neposrednih sastanaka ili komunikaciju putem drugih oblika komunikacije.

1. Članovi Tima su u izvještajnom periodu učestvovali na svim konferencijama i događajima organizovanim od strane misija OSCE-a i USAID-a u BiH, te konferencijama organizovanim od strane Transparency international u BiH, a koje se tiču borbe protiv korupcije. Konferencija na temu „Uloga građana u procesima borbe protiv korupcije“, u organizaciji Misije OSCE-a u BiH. Konferencija „Jačanje integriteta i odgovornosti u borbi protiv korupcije u BiH“, u organizaciji Transparency International u BiH.

2. Nakon što je od strane OECD-a sačinjen Dokument i preliminarne analiza samoprocjene Perspektive konkurentnosti Bosne i Hercegovine, vršena je provjera informacija i dostavljanje i dokazivanje dodatnih inputa (uključujući prateću dokumentaciju) s ciljem osiguranja da se politike Bosne i Hercegovine procjenjuju prema najnovijim dostupnim informacijama. Antikorupcioni tim je u obje aktivnosti aktivno učestvovao.

3. Antikorupcioni tim Vlade Federacije je aktivno učestvovao u izradi Strategije za borbu protiv korupcije u BiH za period 2024.-2028. godina i Akcionog plana za provedbu Strategije

za borbu protiv korupcije za period 2024.-2028. godina, kroz učešće člana Tima u radu Radne grupe ali i kroz date konstruktivne prijedloge i sugestije od strane svih članova Tima na finalni tekst Strategije i Akcionog plana za borbu protiv korupcije, koji prijedlozi i sugestije su većim dijelom i uvaženi i inkorporirani u usvojenoj Strategiji.

4. Članovi Tima su prisustvovali zajedničkoj radionici svih tijela za borbu protiv korupcije u BiH, organizovanoj od strane APIK-a uz podršku međunarodnih partnera. Na radionici "Postupanje po prijavama sa indicijama koruptivnog ponašanja", predstavljen je i promovisan Obrazac za prijavu korupcije, koji bi trebao na jedinstven način urediti prijavu korupcije tijelima za borbu protiv korupcije u BiH.

Također predstavljeno je i promovisano Uputstvo za uposlenike APIK-a ali i svih drugih tijela za borbu protiv korupcije u BiH, u vezi prijema i obrade prijave za koruptivno ponašanje i samog popunjavanja obrasca za prijavu korupcije.

Predavači i moderatori su bili Mevludin Džindo, Pomoćnik direktora APIK-a i Nermin Kadribašić, stručni konsultant USAID-a. Stručni predavač je bio Dragan Radovanović, tužilac Tužilaštva Tuzlanskog kantona.

Nakon teorijskog dijela radionice, održane su i praktične vježbe vezane za popunjavanje prijave, kao i postupak zaprimanja i postupanja po prijavama i dostavljanja odgovora po istima.

Obrazac za prijavu korupcije sa pratećim Uputstvom, postavljen je na službeni internet stranicu Vlade FBiH, na linku Antikorupcionog tima Vlade Federacije BiH, ali je također i službeno dostavljen kontakt tačkama, odnosno koordinadorima antikoruptivnih aktivnosti u svim Federalnim institucijama i društvima u većinskom vlasništvu Federacije BiH.

5. Predstavnik Tima je po zaključku Vlade FBiH, a vezano za upit delegata u Parlamentu FBiH, prisustvovao sastanku na kojem se raspravljalo o inicijativi uspostave javnog Registra zaposlenih na nivou Federacije BiH.

Sastanak je održan 6. marta 2024. godine u Sarajevu, pod pokroviteljstvom Misije OSCE-a u BiH, i istom su prisustvovali:

1. Mr. Refik Begić, direktor Agencije za državnu službu FBiH (ADS FBiH),
2. Ms. Samra Ljuca, pomoćnica direktora (Rukovodilac Odjeljenja za stručno usavršavanje i razvoj državne službe),
3. Mr. Benjamin Bećar, (Generalni sekretarijat Vlade FBiH)
4. Mr. Enis Filipović (Generalni sekretarijat Vlade FBiH)
5. Mr. Amel Topalović (Antikorupcioni Tim Vlade FBiH)
6. Mr. Nihad Gavranović, OSCE programski službenik
7. Ms. Elvedina Vražalica, OSCE programski asistent

Inicijalni sastanak je organizovan kako bi se razmotrila ova inicijativa u smislu opravdanosti, relevantnosti, održivosti, kao i koraci procesa izrade javnog Registra. Također, sastanak je bio prilika da se dobije pregled aktivnosti ADS FBiH koji uključuje i ovu oblast.

Na sastanku je ukazano na eventualni cilj uspostave javnog Registra zaposlenih, gdje bi se stvaranjem jedinstvene evidencije broja zaposlenih uspostavio pregled transparentnijeg korištenja budžetskih sredstava za lična primanja zaposlenih u organima javne uprave te time inicirali uspostavu kontrolnih mehanizama trošenja javnih sredstava u segmentu

zapošljavanja. Uspostavom javnog Registra značajno bi se doprinjelo povećanju povjerenja građana u rad javnog sektora, omogućavajući pristup podacima o zaposlenima na jednom mjestu, te bi isti poslužio kao polazna tačka za izradu relevantnih analiza o stanju zaposlenih u javnom sektoru.

S druge strane, nepostojanjem ovakvih podataka prikazanih u jednom javnom registru ostaju nedostupne informacije o zaposlenima, uključujući ukupan broj zaposlenih, informacije o licima koja obavljaju djelatnosti po osnovu ugovora o djelu i privremenim poslovima, te otvara prostor za "skriveno zapošljavanje" putem ugovora o djelu za već sistematizovana radna mjesta, što u konačnici predstavlja netransparentan način trošenja javnih sredstava.

Od strane ADS-a FBiH predstavljen je postojeći (interni) Registar zaposlenih u institucijama na nivou FBiH, koji vodi ADS FBiH. Taj Registar zaposlenih (uključuje i državne službenike i administrativne radnike za svaki nivo vlasti u FBiH) uspostavljen je Odlukom Vlade FBiH iz jula 2020. godine i predstavlja korak ka efikasnijem upravljanju ljudskim resursima u javnom sektoru. Određeni elementi tog internog registra mogli bi biti objavljeni, pod uslovom da Ministarstvo pravde FBiH to odobri i za to ovlasti ADS FBiH. Postojeći Registar ima primarnu svrhu utvrđivanja činjeničnog stanja o zaposlenim licima u javnom sektoru, te kvalitetno upravljanje ljudskim potencijalima od strane nadležnih organa.

Usvojeni su sljedeći zaključci sa sastanka:

- Razmotriti mogućnost davanja nadležnosti Antikorupcionom Timu Vlade FBiH da vodi javni Registar zaposlenih na osnovu IT infrastrukture koju je prethodno obezbijedila OSCE Misija.
- Alternativa, razmotriti mogućnost davanja nadležnosti Agenciji za državnu službu FBiH vođenje Registra zaposlenih u javnom sektoru u FBiH – osnova postoji u već uspostavljenom internom Registru.
- Zakonom dodijeliti ovlaštenja da se elementi internog Registra eksportuju u javni registar.
- Direktor ADS FBiH ponudio je podršku u izradi javnog Registra zaposlenih, uz korištenje podataka kojima raspolaže Agencija uz prethodne pribavljene saglasnosti i odobrenja od strane nadležnih.
- Sva ova pitanja razjasniti na sastanku sa Ministarstvom pravde FBiH, uključujući razmatranje odgovora na poslaničko pitanje putem Ministarstva pravde FBiH.

6. Predstavnik Tima je učestvovao na radionici Tijela za borbu protiv korupcije u BiH, na temu "Uloga AK ureda i timova u postupcima prijave korupcije u BiH i razvijanje IT platforme".

Radionica je trajala dva dana. Uvodni dio radionice se odnosio na postignuća u radu AK ureda/timova i na status uspostavljenih registara, kao i na potrebe AK ureda/timova.

Prvi dan radionice moderirali su predstavnici Ureda za međunarodnu borbu protiv narkotika i provedbu zakona pri Ambasadi Sjedinjenih Američkih Država u Bosni i Hercegovini (INL), a bila je usmjerena na nastavak razvijanja IT platforme, definisanje novih klastera i praćenje metodologije za prikupljanje podataka za platformu. Nakon što su na prethodnoj radionici u Mostaru, definisani klasteri i utvrđen sadržaj prvog klastera, "Antikorupcijski kapaciteti", nastavak je donio određivanje sadržaja drugog klastera i započete aktivnosti na trećem klasteru, "Izrada strateških dokumenata", koji je i najsloženiji i iz kojeg proizilaze svi drugi klasteri.

Učesnici su se obavezali da u roku od 15 dana dostave podatke za popunjavanje drugog klastera, "Baza dokumenata", sa relevantnim dokumentima (međunarodni propisi, domaći propisi i propisi koji se odnose na rad svakog ureda/tima ponaosob). Također uredi/timovi koji još uvijek nisu dostavili podatke za prvi klaster, obavezali su se da iste dostave u što kraćem roku.

Četvrti definisani klaster IT platforme je "Antikorupcijski procesi" a peti je "Sistem transparentnosti".

Drugi dan radionice vodila je Misija OSCE-a u BiH i bio je posvećen razumijevanju uloge AK tijela u postupcima prijave korupcije na nivou cijele države. Također, AK tijela su upoznata sa kampanjom koju provodi OSCE u BiH, "reci ne korupciji" i "prijavi korupciju".

7. Predstavnik Tima upoznao je članove o svom učešću na seminaru Nacionalni integritet.

8. Transparency International u Bosni i Hercegovini, uz podršku Evropske unije, za okrugli stol „Predstavljanje Studije sistema nacionalnog integriteta (NIS): Uloga nezavisnih institucija u borbi protiv korupcije“, koji će se održati u četvrtak, 13. juna 2024. godine. Zaključeno je da ispred Tima učešće uzme član Faruk Zubčević.

9. Predstavnik Tima upoznao je sve prisutne o svom učešću na događaju u organizaciji SELDI antikoruptivne inicijative i Centra civilnih inicijativa (CCI).

10. Predstavnik Tima prisustvovao je radionici Tijela za borbu protiv korupcije u BiH, na temu "Uloga revizije javnog sektora u prevenciji korupcije" i Strateškog sastanka Ureda/Timova za borbu protiv korupcije.

Radionica je organizovana od strane Misije OSCE-a u BiH. Prvog dana radionice upriličena je posjeta Kancelariji za borbu protiv korupcije u Brčko Distriktu. U okviru diskusije o radu AK tijela razmatrana su postignuća Antikoruptivnih tijela u BiH odnosno timova i ureda u periodu nakon posljednjeg sastanka, kao i na potrebe istih.

Drugog dana radionice organizovana je obuka na temu uloge vrhovne revizijske institucije u prevenciji korupcije. Predavač je bio dr. Milovan Bojić, revizor Glavne službe za reviziju javnog sektora RS. Teme obuke obuhvatile su sljedeće;

- Uloga i pozicija vrhovne revizijske institucije
- Pravni i profesionalni okvir revizije javnog sektora u Bosni i Hercegovini
- Vrste i karakteristike revizije u javnom sektoru
- Vrste revizija i uloga u prevenciji korupcije

U dijelu predavanja govorilo se i o izvještajima revizije kao izvoru informacija i indikatora o korupciji, i to;

- Izvještaji revizije kao osnovni proizvod revizijskog procesa (vrste, format, sadržaj, struktura, korisnici i karakteristike izvještaja revizije)
- Mišljenje revizije vrste i karakteristike
- Potencijalna područja i indikatori korupcije iz ugla revizije
- Korištenje izvještaja vrhovne revizijske institucije za kreiranje antikorupcionih programa, mjera i aktivnosti.

Treći dan radionice moderirali su predstavnici Ureda za međunarodnu borbu protiv narkotika i provedbu zakona pri Ambasadi Sjedinjenih Američkih Država u Bosni i Hercegovini (INL), a

bila je usmjerena na nastavak razvijanja IT platforme, definisanje novih klastera i praćenje metodologije za prikupljanje podataka za platformu. Nastavljene su započete aktivnosti na trećem klasteru, "Izrada strateških dokumenata", koji je i najsloženiji i iz kojeg proizilaze svi drugi klasteri. Također uredi/timovi koji još uvijek nisu dostavili podatke za prvi i drugi klaster, obavezali su se da iste dostave u što kraćem roku.

11. Antikorupcioni tim je izradio registar rizika u FBiH. Putem kontakt tačaka zatraženo da institucije popune tabelu "rizici" sa identificiranim rizicima u sačinjenim planovima interagiteta i istu dostave Antikorupcionom timu Vlade FBiH, a u cilju realizacije odnosno nastavka aktivnosti na izradi Antikoruptivne platforme u BiH.

12. Antikorupcioni tim je održao sastanak sa predstavnicima OSCE-a. Na sastanku je razgovarano o daljim aktivnostim i saradnji Antikorupcionog tima Vlade FBiH i OSCE-a. Kao jedna od daljih aktivnosti Tima prepoznata je potreba da se krene u izradu Strategije za borbu protiv korupcije FBiH, obzirom da je usvojena Strategija za borbu protiv korupcije Bosne i Hercegovine.

Slijedom navedenog, Tim je pripremio i Vladi Federacije Bosne i Hercegovine dostavio na razmatranje Inicijativu za izradu Strategije za borbu protiv korupcije FBiH.

13. Predstavnik Tima je učestvovao na Strateškom sastanku Ureda/Timova za borbu protiv korupcije. Prvog dana sastanka Misija OSCE-a u BiH upoznala je Timove/Urede o implementaciji javne anti-korupcijske kampanje, Ne podrazumijevaj; Ne traži; Ne primaj. Timovima/Uredima je ponuđeno učestvovanje u kampanji kroz kreiranje i finansiranje videa, bilborda i letaka, te na taj način promovisanja aktivnosti istih.

Od strane INL-a prezentovan je napredak u izradi IT platforme, pregled realiziranog od strane Timova/Ureda i zahtjev za dostavljanje nedostajućih podataka unutar klastera. Donesen je zaključak je da se ispred radne grupe imenuje predstavnik APIK-a kao koordinator u daljnjim aktivnostima na izradi platforme umjesto dosadašnjeg koordinatora Erduana Kafedžića. U sklopu radionice upriličena je posjeta Uredu za borbu protiv korupcije i upravljanje kvalitetom Kantona Sarajevo, kojom prilikom su predstavnici Antikoruptivnih tijela u BiH upoznati sa dosadašnjim postignućima Ureda, organizacijom i načinom rada. U okviru posjete Uredu upriličena je i pokazna vježba rada analitičkog centra i prezentacija kapacitiranosti Ureda.

14. Predstavnici Tima održali su sastanak sa direktorom i pomoćnicima Agencije za državnu službu FBiH. Na sastanku je dogovorena zajednička saradnja Tima i Agencije u vezi edukacije državnih službenika na temu antikorupcionih aktivnosti. Predloženo je da se članovi Tima odazovu pozivu i u 2025. godini budu predavači na teme koje su u nadležnosti Tima.

15. Predstavnik Tima je učestvovao na koordinacijskom sastanku Agencije za prevenciju korupcije i koordinaciju borbe protiv korupcije, kao i na radionici na temu „Jačanje vidljivosti antikorupcijskih aktivnosti cjelokupnog sistema sprječavanja korupcije u BiH - Perspektive vidljivosti sistema sprječavanja korupcije u BiH“. Cilj je provođenje analize korištenja Strategije komunikacije i utvrđivanje u kojoj mjeri su preporuke Strategije do sada primijenjene, te na osnovu toga izraditi nove preporuke i razmotriti mogućnosti za dodatnu

podršku timovima i uredima, posebno u okviru javne kampanje podizanja svijesti o borbi protiv korupcije koju Misija OSCE-a trenutno provodi.

16. Predstavnik Tima Amel Topalović, učestvovao je kao panelista u panel diskusiji na konferenciji „Građani u procesima borbe protiv korupcije“ koja je održana 11. decembra 2024. godine u Sarajevu. Kao dio tekućih antikorupcijskih napora u Bosni i Hercegovini, Misija OSCE-a pokrenula je projekat 2021. godine koji finansira Međunarodni odjel za narkotike i provođenje zakona (INL) Stejt departmenta SAD. Jedan od ključnih ciljeva projekta je uključivanje građana u antikorupcijske napore kroz edukaciju o tome kako prepoznati i prijaviti korupciju. Dio programa je organizacija nekoliko panel diskusija i radionica u Banjaluci, Bihaću, Brčkom, Trebinju, Tuzli, Mostaru, a završna, finalna konferencija je održana u Sarajevu.

Panel je uključivao dvije sesije diskusije:

1. Sesija I: Razumijevanje korupcije u BiH

Fokus: Percepcija korupcije, prepreke u borbi protiv korupcije, te institucionalni okvir, i

2. Sesija II: Borba protiv korupcije na djelu

Fokus: Praktični alati za prijavu korupcije, uloga medija i civilnog društva, te mapa institucija za prijavu korupcije.

Pored predstavnika Antikorupcionog tima Vlade Federacije, panelisti su bili i predstavnik Agencije za prevenciju korupcije i koordinaciju borbe protiv korupcije BiH, predstavnik Ministarstva pravde Republike Srpske, te predstavnik Ureda za borbu protiv korupcije Kantona Sarajevo. Ciljevi konferencije su jačanje uloge građana u procesima borbe protiv korupcije kroz dijalog i edukaciju i donošenje zaključaka za unaprjeđenje mehanizama i strategija angažmana građana u antikorupcijskim procesima.

Zaključna razmatranja

Osnovne aktivnosti Antikorupcionog tima bile su stvaranje pretpostavki za izradu Strategije za borbu protiv korupcije i Akcionog plana za provedbu strategije i uspostava i jačanje antikorupтивne mreže u institucijama i privrednim društvima Federacije BiH.

Akcioni plan za borbu protiv korupcije za period od 2021.- do donošenja nove Strategije za borbu protiv korupcije u Federaciji Bosne i Hercegovine je prenosnica za nastavak systemske borbe protiv korupcije Federacije BiH.

Ujedno donošenjem Akcionog plana osiguran je nedostatak normativnog strateškog okvira za prevenciju i borbu protiv korupcije, u periodu dok se ne usvoji nova Strategija za borbu protiv korupcije i prateći akcioni plan za provedbu strategije Federacije Bosne i Hercegovine.

Svjesni činjenice da se Planovima integriteta uspostavljaju mehanizmi koji obezbjeđuje efikasno i efektivno funkcionisanje ministarstava, uprava, agencija i tijela kroz jačanje odgovornosti, pojednostavljenje procedura, povećanje transparentnosti kod donošenja

odluka, povećanje otpora radnog mjesta u odnosu na koruptivne pojave, kontrolisanje diskrecionih ovlaštenja, poštivanje etičkih vrijednosti, eliminisanje neefikasne prakse i neprimjenjive regulative i uvođenje efikasnog sistema nadzora i kontrole rada i ponašanje službenika, možemo istaći da Antikorupcioni tim aktivno učestvuje u implementaciji antikoruptivnih aktivnosti.

Ujedno donošenjem Akcionog plana osiguran je nedostatak normativnog okvira za prevenciju korupcije, u periodu dok nije usvojena nova strategija za borbu protiv korupcije i prateći akcioni plan.

Članovi Antikorupcionog tima ostaju opredjeljeni za dosljedno izvršavanje zadataka navedenih u Rješenju o formiranju Tima.

Antikorupcioni tim Vlade Federacije BiH ohrabruje sve građane Federacije BiH da Antikorupcionom timu prijavljuju korupciju i druge nepravilnosti. U tom smislu, povećan je broj anonimnih prijava, naročito onih koje su poslane elektronskim putem. Svi članovi Antikorupcionog tima svojim integritetom jamče anonimnost i sigurnost prijaviteljima.

Antikorupcioni tim Vlade Federacije BiH prati i podržava izradu Zakona o zaštiti prijavitelja nepravilnosti u FBiH, čiji je obrađivač Federalno ministarstvo pravde, te daje konstruktivne prijedloge radi kreiranja što kvalitetnijeg zakonskog teksta.

S obzirom na realizirano u izvještajnom periodu, nakon upoznavanja sa Izvještajem o radu Antikorupcionog tima Vlade Federacije Bosne i Hercegovine za 2024. godinu, predlažemo da Vlada Federacije BiH usvoji sljedeći zaključak:

1. Usvaja se Izvještaj o radu Antikorupcionog tima Vlade Federacije BiH za 2024. godinu.
2. Zadužuje se Ured za odnose sa javnošću da Izvještaj o radu Antikorupcionog tima za 2023. godinu postavi na web stranicu Vlade Federacije BiH.

Predsjednik Antikorupcionog tima
Vlade Federacije Bosne i Hercegovine

Jasenka Muharemagić

